

Privremene mjere

Praktične informacije

Šta su privremene mjere?

Kada Sud zaprimi predstavku, može zatražiti od države da preduzme određene mjere dok Sud ne bude u stanju da se izjasni o predmetu. U većini slučajeva, Sud traži od države da se suzdrži od činjenja nečega, i uglavnom se radi o tome da se neko lice ne izručuje u zemlju za koju tvrdi da će tamo biti usmrćeno ili mučeno.

Privremene mjere Sud određuje samo u jasno određenim situacijama, tj. u slučaju kada postoji opasnost od ozbiljnog kršenja Konvencije. Veliki procenat zahtjeva za privremene mjere je neprimjeren i stoga odbačen.

Kako kontaktirati Sud:

Sud je uspostavio brojeve faksa specijalno rezerviranog za slanje zahtjeva za privremene mjere:

+33 (0)3 88 41 39 00

+33 (0)3 90 21 43 50

Molimo vas da obratite pažnju da **ako ne koristite ove brojeve, rizikujete da vaš zahtjev neće biti odmah obrađen**, posebno tokom godišnjih odmora. Dakle, stoga vas molimo da koristite neki od gore navedenih brojeva za svu prepisku u vezi s privremenim mjerama.

Satnice primanja faksova i pošte:

- od ponedjeljka do petka od 08h00 do 16h00*
- Zahtjevi poslani nakon 16h u načelu neće moći biti obrađeni istoga dana ([Kalendar državnih praznika ili neradnih dana](#))

Zahtjevi trebaju biti što jasniji i sažetiji. Ipak, savjetuje se da se faksovi duži od deset strana šalju u više djelova kako bi ih Sud primio i obradio na najbolji mogući način.

* *lokalno vrijeme (GMT + 1)*

Informacije i dokumenti koje treba priložiti uz zahtjev:

Napisati podebljanim slovima na prvoj stranici dokumenta:

“Rule 39. Urgent”

Kontakt osoba (ime i prezime i pojedinosti za stupanje u kontakt: ...

U slučaju protjerivanja ili izručenja, takođe jasno navesti:

Upućivanje predviđeno za (datum, vrijeme i odredište): ...

Dostaviti obrazložen, jasan i potpun zahtjev.

Zahtjevi za privremene mjere moraju se podnijeti Sudu uz pristanak podnosioca i trebalo bi da budu praćeni uredno popunjenim obrascem predstavke. Ako zahtjev podnosi zastupnik, mora mu odmah pridružiti, ili poslati u roku od nekoliko dana, uredno popunjen obrazac punomoći.

Priložite kopije svih odluka koje se odnose na vaš zahtjev, naročito relevantnih odluka domaćih sudova ili drugih nadležnih organa.

Priložiti kopiju svih drugih dokumenata koji mogu potkrijepiti navode dostavljene Sudu.

Nastavak postupka

Kada je zahtjev za privremenu mjeru podnijet, podnosilac ili njegov/njen zastupnik je dužan da prati postupak. Konkretno, vrlo je važno u najkraćem roku obavijestiti Sud o svakoj promjeni administrativnog statusa podnosioca ili drugih okolnosti (na primjer, ako je podnosiocu odobrena dozvola boravka ili ako se vrati u zemlju porijekla). Zastupnik podnosioca mora takođe brzo i samoinicijativno obavijestiti Sud o eventualnom gubitku kontakta sa strankom.